



Գղեակ Պայեզիտայ . — Le Chateau de Bayezid.

մէ Եփրատայ . բերդաւոր , այլ անշքացեալ վասն գաղթեւոյ Հայոց : Յարևմտից հիւսիսոյ նորա որպէս և Ալատաղ լեւին՝ ամբառնայ երկայնանիստ դադաթամբ լեռան 'Նուր , յորում յաղթմս կացեալ Մեծին Ներսիսի դիտեր զպատերազմն Հայոց և զյաղթութիւն ընդգեմ Պարսից 'ի Ձիւս գաշտի՝ որ ձգի ընդ մէջ 'Նահիէի և Տիատինայ . և յանուռն նորին կայ ցարդ գետոյ մի յամէ Եփրատայ . և 'ի գագաթման լեւինն մատրուք աղօթատեղիք 'Ներսիսի . 'ի հիւսիսային ալբեւան ստորոտս լեւինն առ Եփրատ գետով կայր Բաֆասն տեղի սաշտաման գից և հանդիսից , մերձ գոյով և 'ի Եսփաղիւն լեռան , զոր նուիրեաց Ղուսաւորիչ՝ սրբոյ Կարապետին , անդ միրտեալ զՏրդատ արքայ բիւրուք աշխարհագումար բանակի նորին . և կանգնեաց եկեղեցի , որ այժմ կոչի Իւլփիսի , և է մի յանուանի ուխտատեղեաց Հայոց և 'ի հրաշակառոյց ընդարձակ տաճարաց , որ կանգնեցաւ օժանդակութեամբ Հերակլեայ կայսեր 'ի վերայ փոքու գրիգորաշէն եկեղեցոյն յամսն 634-9 , և ցարդ կանգուն և շէն կայ և հիացուցանէ զսաստգ . քառորդաւ հեռի յեւր զմանցն կայ տեղի միրաութեանն Հայոց , և իտազարոյք յօրովք փորեալք 'ի քարափեռի առնթեր : — Ի հիւսիսակողման վիճակիս կայ լիճն Պաւլէե փոքու կղզեկաւ , յորմէ ելանէ գետն համանուն և օժանդակէ զԵրասիս 'ի Նախըռան գաւառի :

86 . Յեւրց Տիատինայ ընդ մէջ գաւառաց Ռուսաց և Պարսից և Բերկրոյ վիճակի Վանայ , կայ վիճակն

կամ ընիկ դաւառ ՊԱՅԻԶԻՏ , տարածեալ 'ի ԿՈԳԱՅՈՎԱՏ և 'ի ՄԱՍԵՏՅՈՏՏ հին գաւառս Այրարատայ : Գլխաւոր տեղի գաւառին է քաղաքն ՊԱՅԻԶԻՏ 'ի զառիվայրի քարալեւին հայելով 'ի խոր անդունդս , ունի բերդ և գեղեցիկ ապարանս կուսակալի՝ 'ի բարձու իբրու 6000՝ բարդաւաճեալ է վաճառակցութեամբ ընդ Պարսս , այլ անշքացեալ և նուազեալ 'ի սակս սպաներազմաց Ռուսաց յամին 1828 , և յայմ ևս ամի (1854) , յորում Ռուսք դարձեալ տիրացան նմին հարեալ զՕսմանեանս բանակեալս առ քաղաքան , և առ վայր մի թողեալ՝ դարձեալ առին և սկսան ամրացուցանել զայն : — Ի հիւսիսոյ Պայեզիտայ կայ Զանիսպուր աւան . և 'ի նորին հիւսիսոյ յահեկե Պաղգղ գետոյ Արծաթի , որոյ անուանի էր բերդ 'ի հիւսիս . 'ի նմին կողման էր և Գաւառից վանքն կամ Գաւառի ուր Աշոտ իշխան յէ դարու շինեաց զմեծ տաճարն Ամենափրկիչ , և եգ 'ի նմա զփրկչական սպաներն զբերեալն 'ի Կոստանդնուպոլսոյ , որ արդ սահի յԵջմիածին . բայց ոչ գիտեմ թէ մնայ ինչ 'ի տաճարէն :

Է . ՎԱՆ ՆԱՀԱՆԳ

87 . ՎԱՆԱՅ կուսակալութիւն որ յերկրին Քրդաց բովանդակի , սահմանս ունի 'ի հիւսիսոյ զՊայեզիտ նահանգ , յարևմտից զՄուշ , 'ի հարաւոյ զՔրդաստան ընդ մէջ Ճէզիրէ և Մուսուլ գաւառաց , յարևելից